

上浮萍風吹并在一處諸長老種種出家入  
佛法中亦復如是是故諸長老不應教我我  
應教諸長老自身作不可共語者諸同學比  
丘以波羅提木叉教以貢高故不受其語應  
可共語者於波羅提木叉中共說共罪中出  
故是以佛法中得增長次第文句易可解耳

二十末

### 惡性戒廣說竟

## 善見毗婆沙律卷第十三

叔三

些言二同音告  
誓上音邀  
棟桁上音束  
那上助延反又助開友  
窄狹上阻陌反下侯夾反  
詰起反一  
猪字下雄闡那上昌演反  
皆  
借上子亦  
鑿下淨反鑿  
志音志  
梯上音光  
磣手上竹客反  
擗下開闊音搏  
賭音賭  
償音常  
要音要

有慙愧汚他家比丘者此是馬師滿宿於六  
群比丘中最是上座馬師滿宿本是田夫同  
作田辛苦二人共論言我等作田辛苦可共  
出家於佛法中衣食自然同伴答言善哉可  
爾更共籌量我等今者就誰出家當就舍利  
弗目捷連出家籌量已往到舍利弗目捷連  
所求欲出家舍利弗目捷連即爲出家與具  
足戒誦波羅提木叉竟滿五臘更得二伴一  
名黃赤比丘二名慈地比丘四人共論言此  
舍衛國有時豐熟有時飢儉我等不宜聚住  
一處宜應分張餘國三人語黃赤比丘言長  
老汝樂何處住黃赤比丘答言我樂舍衛國

## 善見毗婆沙律卷第十四

叔四

蕭齊外國沙門僧伽跋陀羅譯

余時佛住舍衛國於給孤獨園精舍污他家  
者有二比丘一名馬師二名滿宿於鷄咤山  
住此是聚落名此二比丘恒於此聚落寺中  
料理寺舍因管理故與諸白衣言語來往無

乙

庚辰

住此國邑內人民有五十七萬戶邑外屬舍衛國者有八萬聚落國土縱廣一百由旬汝於此國住處多種華菓樹名菴羅樹波那沙樹椰子樹如是衆多樹瞻葡萄華樹闍提華末利華如是衆多華以華菓誘誅諸居士居士女諸居士若有樂出家者汝當度令出家使眷屬增長復問慈地比丘言汝樂住何處答言我樂住王舍城王舍城國邑人民有八億萬戶邑外屬王舍城者有八萬聚落國土縱廣三百由旬汝於此國多種華菓樹及度人出家如前說無異次問馬師言汝樂何處住馬師答言我樂住黑山聚落此聚落飲食豐饒一年三熟次問滿宿言汝樂住何處滿宿答言我樂與馬師共住汝二人當好料理住處多種華菓樹以誘誅諸居士居士女此四比丘共相處分已各還所住料理住處度人出家三住處眷屬弟子各有五百人合有一千五百比丘黃赤比丘眷屬弟子悉持戒具

足將諸弟子眷屬從佛遊行諸國佛所結戒護持不犯未結戒犯三人隨所住處無有慙愧佛已結戒及未結戒犯此惡比丘不應作而作不應行而行是故律本中說種華者自種或教人種或一種華或衆多華或自溉灌或教人溉灌自掘地作池或教人掘以用貯水或用洗浴或用灌華皆悉不善若爲僧作池若自作不得教言掘惟作淨語不犯若爲僧作園及自作園若種樹爲蔭涼故皆用淨語若種植華菓誘誅白衣男女自種教人種悉突吉羅若爲佛僧種不犯惟除不得掘地傷種若爲僧種菓得食無罪若無虫水得自灌教人灌無罪又法師曰作淨語教人種得云何淨語汝使此樹活莫令死淨人隨時料理灌水不得爲白衣貫結華鬘乃至散華束相著亦不得除供養三寶不得舞者動身下至舉手不得不犯者或白衣使比丘禮佛讀經呪願或使比丘鳴磬集衆布施種種法事

叔四

二

爲白衣驅使不犯餘文句在律中易可解耳  
若比丘疾病無湯藥以華菓及餘飲食餉人  
求易湯藥不犯若爲白衣驅使初去時步步  
得突吉羅罪若得飲食咽喉突吉羅罪下至  
爲白衣傳語隨問答悉突吉羅罪除爲五衆  
出家人驅使不犯若父母疾病若衆僧淨人

疾病爲覓湯藥驅使不犯汚他家廣說竟行  
波利婆沙已次與六夜摩那埵行摩那埵者  
漢言折伏貢高亦言下意下意者承事衆僧  
二十僧中行阿浮呵那阿浮呵那者漢言喚  
入亦言拔罪云何喚入拔罪與同布薩說戒  
自恣法事共同故名喚入拔罪法師曰十三

叔四

三

僧伽婆尸沙廣說竟

次至二不定法余時佛住舍衛國祇樹給孤  
獨園精舍時間者見無人時間優婆夷汝不  
愁憂疲倦飢渴也夫王念汝不如是作白衣  
語悉問見時說法者見人時便爲說法說法  
者或說五戒或說八戒或說去還食或說舍

比丘入檀越家乞食遇見比丘與優婆夷相  
者或比丘共女人坐或女人眠比丘坐或比  
丘眠女人坐或二人俱眠或俱坐是故律本  
中說眼屏耳屏云何眼屏對無目人前云何  
耳屏對聾人前或對聾盲人前或對眠人前  
或對女人前可信語者此優婆夷聲聞弟子  
是故律本中說得果人也是名可信優婆夷  
若比丘言我與優婆夷共坐若一一罪隨比  
丘語治不得隨優婆夷語治何以故見聞或  
不審諦故法師曰我今欲說其事於摩羅園  
精舍中有一愛盡比丘一日往檀越家入屋  
中坐優婆夷對比丘別倚牀而立外有凡夫

對謂言共同牀坐諦視不已愛盡比丘自念  
言此比丘當言我與女人共牀坐也各還所  
住乞食比丘欲舉其罪往至愛盡比丘房求  
聽打戶欲入愛盡比丘逆知其心即以神力

從屋棟出在虛空中坐此比丘入已遍求覓  
不得見在虛空中坐語愛盡比丘言大德有

神力如此何以入白衣家獨與女人共牀坐  
已愛盡比丘答言長老此是獨入白衣家罪  
長老護我善法師曰此見而不謗是故獨入  
白衣家罪是故見而不可信若比丘欲入聚  
落樂與女人坐屏處著衣持鉢時突吉羅罪  
若發去時步步悉突吉羅罪若至檀越家入

卷四四

屏處坐波夜提罪若出已更還坐一一波夜  
提罪若衆多女人共坐衆多波夜提罪若比  
丘先在屏處女人來入禮拜問訊不犯從身  
心起第一不定法廣說竟

爾時佛住舍衛國祇樹給孤獨園精舍露屏  
處者非覆藏處一比丘一女人者此處無男

子可作麤惡語除有知男子餘文句如初不  
定法說無異無罪者最初未制戒癡狂心亂  
痛惱所纏不犯此戒性罪從身心起樂受不  
苦不樂受所攝二不定廣說竟

次至三十尼薩耆尔時佛住毗舍離國於瞿  
曇廟中聽諸比丘受持三衣何謂爲三一者

安陀會二者鬱多羅僧三者僧伽梨是名三  
衣法師曰解說三衣於騫陀迦耆婆品當廣  
說用餘衣入聚落者入房著異衣入聚落著  
異衣如是乃有九種衣佛已聽我等畜三衣  
因此語故三衣各畜三便成九衣欲與長老  
舍利弗者時長老阿難言除佛世尊餘聲聞

弟子悉無及舍利弗者是故阿難若得袈裟  
染治點淨好者奉舍利弗若得時食有好者  
先奉舍利弗若得非時漿七日藥盡形壽藥  
於中好者亦奉舍利弗若有諸長者子欲出  
家來求阿難阿難教往舍利弗所求作和尚  
或作阿闍梨夫爲長者子應供養父母是故

我今應供養世尊阿難悉作我今得無爲而住是故舍利弗恒敬重阿難若得衣服飲食於中好者先奉阿難是故律本中說欲奉舍利弗佛問阿難舍利弗何時當還阿難答言或九日還或十日還問曰長老阿難何由知舍利弗九日十日當還答曰所以知者舍利弗欲遊行諸國時來至阿難所語阿難言我欲行某國某國某時某日當還長老當好供養世尊慎莫懈怠若世尊爲四部衆及天龍說法時長老好憶持我還長老當爲我說若世尊覓我時長老當遣人來報我舍利弗在諸國或追信來問訊世尊問訊世尊已往至阿難所語阿難言舍利弗今問訊大德少病少惱安樂住不問訊阿難已語阿難言我某日當還是故阿難知舍利弗九日十日當還是故律本中說佛告諸比丘若十日聽畜長衣法師言若阿難言舍利弗一月半月當還是如來亦應因此結戒阿難言十日當還是故

如來聽十日內畜長衣不犯問曰如來何故隨阿難語仍結戒答曰此是制罪非性罪是故隨阿難語而結衣竟者隨因緣得衣竟或望衣竟或望斷作者割截簪縫是故名作竟者衆事已訖是名竟失衣者若奪若失若燒若漂若敗壞若望斷若迦提月過若出功德衣如是衆因緣亦名竟佛告諸比丘有八事捨迦繻那衣何謂爲八一者去二者竟三者盡四者失五者聞六者望斷七者出界外八者共出是爲八法師曰此八事騫陀迦別當說共僧捨者作白羯磨捨十日者時刻也此衣十日內聽畜不得過十日六種衣中若一衣者何謂爲六一者驅磨二者吉貝三者句賒耶四者欽婆羅五者娑那六者婆與伽是名六衣若一一衣十日內應說淨者若長二擗手廣一擗手應說淨若不說過十日犯捨墮是故律本中說我聽諸比丘說淨衣長八指是修伽陀指廣四指此是最下衣尼薩

耆者漢言捨此是律法波夜提罪應懺悔法師曰何時尼薩耆阿留那出時漢言明相得罪若多衣縛束一處過十日得一罪若散衣不縛束計衣多少隨得罪捨已然後懺悔法師曰云何捨如律本中說佛語諸比丘汝當如是捨整衣服偏袒右肩來至僧中先禮上

座長跪叉手作如是言大德僧憶念我比丘某甲故畜長衣過十日犯捨墮今捨與僧若一衣言一若二衣言二若三衣若衆多道言衆多衆中了了解法比丘應作白羯磨受彼比丘懺悔大德僧聽比丘其甲故畜長衣過十日犯捨墮今見罪僧中發露懺悔若僧時到僧忍聽我受某甲比丘懺悔白如是羯磨已問彼比丘言汝見罪不荅言見汝當來罪莫犯荅言善然後受懺悔若捨與一人捨二人捨三人中作是言大德憶念我比丘某甲畜長財過十日犯捨墮今捨與諸大德波夜提罪今懺悔三人中一人應白二人言諸長

老憶念我受某甲比丘懺悔當憶持受懺悔者問彼比丘荅對如僧中無異僧中一人應三唱還彼比丘衣作是言此尼薩耆衣僧今捨與長老如是三唱此爲作法故捨衆僧下至一人應還彼比丘衣善若不還者犯突吉羅罪若犯捨墮衣不捨不懺悔隨著一一突

叔四

七

吉羅罪若一著不脫乃至破一突吉羅罪若犯尼薩耆衣無罪者於十日內若說淨若失是名無罪諸比丘自作是念如來聽畜三衣我今長雨衣尼師壇覆瘞衣敷具手巾朱羅波梨迦羅衣不知當云何爲說淨爲受持作如是念已往白卅尊佛告諸比丘三衣受持不須說淨兩衣四月受持過四月已說淨尼師壇受持不須說淨覆瘞衣不須說淨瘞差已說淨敷具受持不須說淨覆瘞衣不須說淨瘞差衣受持不須說淨手巾受持不須說淨問曰三衣云何受持荅曰作竟染點淨量足然後受持云何量僧伽梨齋多羅僧量者上者修

伽陀衣下者長四肘一捲肘廣二肘一捲肘  
安陀會量者長四肘一捲肘廣二肘若長廣  
減量作朱羅波梨迦羅衣漢言雜碎衣受持  
三衣者云何受持若先受持僧伽梨捨已受  
持新者以身口對大德比丘說若無大比丘  
以手捉僧伽梨自說若手不捉不成說應道

其名字法師問曰所捨三衣作朱羅波利迦  
羅衣受持不須說淨答曰應說淨尼師壇受  
持一不得二數具青黃赤色有縷毛多少隨  
得畜覆瘡衣畜一不得過手巾畜二朱羅波  
利迦羅衣隨有多少說受持不犯牀蓐薦席  
隱囊氍毹悉屬房物不須說淨受持三衣云  
何失若施人若人若賊奪若失若罷道若還  
作沙弥若死若轉根若捨若穿若離宿問曰  
云何穿答曰穿大如指甲問曰云何指甲最  
小指甲若當穿中有一橫縷不失若僧伽梨  
鬚多羅僧廣邊八指內穿不失長邊一摺手  
內穿不失安陀會廣邊四指內穿不失長邊

一摺手內穿不失長廣外穿如小指甲大失  
若失已過十日犯捨墮補竟受持尼師壇覆  
瘡衣兩衣敷具手巾若受持穿不失若衣欲  
破未有穿或一條或二條先以物補然後割  
却故者不失受持若三衣有二種一種穿一  
種不穿不失問曰袈裟背處欲破轉中著兩

叔四

八

邊云何轉而不失答曰先取兩邊合刺連相  
著然後以刀破背處開然後刺緣不失受持  
若袈裟太減不失受持若袈裟小以物裨不  
失授持問曰若浣袈裟色脫失受持不答曰  
不失若最下量物長一尺六寸廣八寸以此  
物補應須說淨若以小物補不須說淨說淨  
有二種法一者對面淨二者展轉淨云何對  
面淨并縛相著將至一比丘所胡跪作如是  
言我有此長衣爲淨故我今施與長老正得  
掌護不得用云何得用若施主語言此是我  
衣隨長老用若是語得用無罪是名對面  
真實淨云何展轉淨於五衆中隨得一人作

施主將長衣至比丘所說言我比丘某甲有此長衣未作淨爲展轉淨故施與長老彼受施者言大德有此長衣未作淨爲展轉淨故施與我我今受施主是誰答言某甲比丘更說言大德有此長衣爲淨故施與我我已受此是某甲比丘物大德爲某甲比丘護持用時隨意不須問主是名展轉淨施法師曰若受施已答言善不知爲說不成說淨應更覓知法人就說與前人云何成就云何不成就若言施與大德若言捨與大德此是真實淨成捨云何展轉淨施成捨若言爲展轉淨故施與長老若言爲展轉淨故捨與長老若言

叔四

九

爲展轉淨故與長老隨用上說成捨云何不成捨若言願大德受此衣願成就大德衣是名真實展轉淨施不成真實淨捨云何成受不成就若言我取若言我受是名真實淨成受云何不成就若言我當取若言我欲取若言作我物若言成我物是真實淨不成受若

請爲施主不得不受若不受者非律行也法師曰次第文句易可解耳若受已不得不還若不還得突吉羅罪若受已知非己物因施方便承匿比物隨直多少得罪此戒從身心口起長衣不受持不淨施過十日得罪不以想脫知過十日得罪不知過十日亦得罪此

### 戒三受所攝長衣戒廣說竟

持齋多羅僧安陀會遊行諸國者此僧伽梨置既久而生疳壞於是長老阿難按行諸房見垢衣法師曰阿難云何見此衣阿難按行而見此衣答曰所以長老阿難按行諸房若見有敗壞者及不淨便自補治掃除若見有疾病比丘便隨時供養料理是故阿難按行諸房與不離宿羯磨者雖離衣宿而不犯尼薩耆罪問曰得幾時離宿答曰隨病未差得離宿若病比丘僧爲羯磨離衣宿已往餘方若病差欲還道路險難不得還恒作還意雖病差不失衣若決定作不還意失衣若過十

日犯長衣罪若往餘方病差還來至衣所病復發更欲往餘方承先羯磨不須更羯磨聚落一界者此聚落一族飲食共同置衣此聚落身在阿蘭若處若明相未出入聚落界不失衣聚落別界者住止別衣在此家身在彼家宿失衣不離肘者衣在十五肘內不失若

衣在地身以神力在虛空失衣別聚落者多王如毗舍離拘私羅那國此是別聚落若衣在客舍身在外若未離衣十五肘內不失衣法師曰次第文句易可解百重闇者或五重或七重各一界有別界云何一界若上下重悉屬一主衣在此重闇不失衣是名一界云

叔四

+

何別界此重闇多人共住若住處各異衣在上重比丘在下重比丘應往衣所若不往衣所失衣是名別界車界者若比丘置衣車上比丘應隨逐車行不得遠若明相未出時離車十五肘內不失衣若出十五肘外失衣是名車界若寄衣置車車若翻倒或敗壞車上

物分張多聚衣隨聚處比丘應往衣邊不得離樹界者日正中時影所覆處若樹枝葉疏蕪不相連接衣在日中比丘在樹下失衣若樹枝偏長衣在枝蔭下比丘在樹根不失阿蘭若界者如毗梨咤毗林無異漢言大林亦如海洲人所不及處林界者若衣在林中衣在十四肘內不失衣海洲亦如是方十四肘內不失衣此林若有人來往無十四肘界衣應隨身若不隨失衣比丘在阿蘭若處竟夜坐禪天欲曉患眼睡脫衣置岸上入池洗浴洗浴未竟明相出此衣便成離宿犯尼薩耆罪若未捨未懺悔若著突吉羅罪若露身上岸復犯突吉羅罪問白云何得脫答曰若無比丘未得懺悔得著無罪若見比丘不捨懺悔隨著一一突吉羅罪若比丘有捨墮衣欲將至比丘所捨懺悔道路值賊奪衣但懺悔波夜提罪若遺沙弥或白衣爲比丘持衣行或僻路或眠熟至明相出失衣應捨若沙弥

叔四

十一

或白衣持衣在前入不失衣界比丘亦入不知謂言界外明相出衣實在界內謂失不失依止亦如是若弟子未滿五臘爲師持衣隨和尚行道路值人說法因貪聞法故至明相出不犯離師罪何以故心無決定住故和尚犯離衣宿罪此戒衣已受持離宿故得罪餘文句如前無異離衣宿戒廣說竟

余時有一比丘得非時衣此比丘欲作衣不足以水灑日曝牽挽欲令長此尊校行房舍見已問言比丘汝作何等比丘答言此衣短欲牽挽使長非時衣者夏末一月冬四月是時餘七月是非時非時施者僧次得衆次得或獨得僧者一切衆僧衆者或學律衆或學阿毗曇衆或學修多羅衆若不足者小小不足得置一月望得者或於僧中望得或於衆中望得或於親友望得或於知識望得或於糞掃處望得或自物望得是名望得若有望處一月內得畜若過畜犯尼薩耆罪若二十

九日得所望衣細先衣龐先衣說淨新得衣復得一月爲望同故若望得衣龐復得停一月如是展轉隨意所樂爲欲同故莫過一月法師曰次第文句易可解耳若二十九日得所望衣即日應受持若說淨若不受持不說淨至明相出時尼薩耆如是展轉乃至十日得所望衣即日應受持說淨若不受持不說淨至十一日明相出時尼薩耆此戒因緣本起如第一尼薩耆無異廣說竟

余時佛住舍衛國祇樹給孤獨精舍時長老優陀夷遣故二浣故衣父母親七世者父祖高祖曾祖如是乃至七世母七世亦如是翁親者伯叔兄弟乃至兒孫母親者舅姨乃至兒孫七世悉是母親若兒女乃至孫悉是親也得使出家女乃至孫兒染不得使出家婦兒染何以故非親故比丘尼者從二部僧中白四羯磨受具足戒是名比丘尼故衣者下至經身是名故衣浣尼薩耆者若比丘教比

丘尼浣若作竈燒水覓樵鑽火隨所作一一比丘得突吉羅罪若浣竟尼薩耆若浣竟欲還比丘比丘尼自言未淨更爲重浣比丘得突吉羅罪染亦如是若染竟使打隨一一比丘得突吉羅罪若非親非親想使浣染尼薩耆無罪者若比丘尼自取浣不犯若使式叉

摩尼沙弥尼沙弥優婆塞優婆夷浣染不犯若使優婆夷浣染未得浣染後出家受具足戒已方爲浣染還比丘得尼薩耆若使沙弥尼式叉摩尼浣染未得浣染後受具足戒竟爲浣染比丘得尼薩耆罪若使優婆塞沙弥浣染未得浣染後出家受具足戒已轉根成比丘尼爲浣染比丘犯尼薩耆罪使比丘浣染轉根亦如是若使比丘尼浣染浣染已比丘自言未淨重爲浣比丘犯尼薩耆罪突吉羅罪若使衆多非親里比丘尼浣衆多尼薩耆若比丘尼從比丘尼僧得具足戒不從大德得具足戒如五百諸釋女使此比丘尼浣

突吉羅罪無罪者若浣革屣囊鉢囊隱囊席腰繩浣如是物無罪法師曰次第文句易可解耳此戒具足六事得罪何謂爲六一者身二者口三者身口四者身心口五者作六者不以想脫此戒具三受浣衣戒廣說竟

尔時佛住王舍城於竹林精舍時欝波羅華

叔四

十三

比丘尼住舍衛國於是欝波羅華清朝著衣持鉢入舍衛國乞食乞食已還入安陀迦林白日入定問曰比丘尼無獨行法欝波羅華云何獨入安陀迦林答曰如來未制獨行戒是以欝波羅華得獨入已行者已行賊法云何行賊法穿踰牆壁劫奪人物以此爲業是名爲賊賊主者統領諸賊此賊主先與比丘尼欝波羅華相識前行者賊主導前而行見欝波羅華比丘尼畏諸賊侵犯語諸伴言沒等可於此路去諸賊即隨賊主而去從三昧起者比丘尼初入禪時自誓言我某時當起從三昧起已諸賊唱如是言若沙門婆羅門

須者當與比丘尼心自念言此林更無餘人惟我一人必當與我是故比丘尼得取在寺者是優陀夷問曰何以優陀夷獨自在寺答曰諸比丘悉隨如來入聚落乞食留優陀夷守護處住若汝欲與我者當與我安陀會細緻故法師曰優陀夷於安陀會少有貪但欲見比丘尼身故是以乞安陀會與已云者優陀夷三乞已比丘尼即脫衣與已還所住處交易者律本中說佛告諸比丘五衆同法得共相交易云何同法同師戒見共同是名同法初欲受突吉羅罪入手尼薩者惟除親里比丘尼不犯非親里式叉摩尼沙弥尼優婆私不犯不犯者若比丘爲四衆說法歡喜布施無罪若非親里比丘尼擲去糞掃取不犯從一部衆受具足戒非親里比丘尼受突吉羅罪從二部衆受具足戒非親里比丘尼受尼薩耆波夜提罪若以少物交易得多不犯餘文句易可解耳不須廣說此戒具六事制

罪具三受如前受衣戒廣說尔時佛住舍衛國祇樹給孤獨園精舍憂波難陀釋迦子者釋種出家有八萬人憂波難陀最爲輕薄而性聰明音聲絕妙涉遠路者衆多比丘從娑羅多往舍衛國於中路中遇賊劫奪衣物檢問者汝裸形外道乃有好心答曰我是釋種

十四

十五

沙門非外道也諸比丘聞言是沙門往白憂波離大德可往檢問憂波離即往檢問汝幾臘何時受戒師僧是誰云何受持三衣問已知是比丘得從非親友檀越乞衣若無乞處以草障身入寺不得裸形入寺法師曰我今次第說若比丘道路行見賊持衣鉢與年少令走避若賊逐年少失衣上座若下座隨得一人折取草及樹葉付與餘人使得遮身向寺白衣見比丘遭賊裸身持白衣衣與或與五大色衣得著無罪是故律本中說有比丘著白色衣或著上色衣或著不割縫衣得著無罪此是何人若有智慧當思此義答曰此

是遭賊失衣比丘若有比丘遭賊失衣得著  
外道衣外道衣者若鳥毛或木板衣得著無  
罪然不得轉見受邪見法若失衣比丘入寺  
若有僧衣者與僧衣若屬房衣比丘入房住  
若不入房住得以此衣與若無衣得以敷具  
隱囊替與比丘著若破壞不須償若檀越施

衣應還僧衣失衣比丘入寺若無僧衣得從

非親里居士乞失衣比丘得自己爲他乞不

犯惟不得乞金銀法師曰餘次第文句易可  
解耳不須廣說此戒從身心起具三受從非  
親里乞衣戒廣說竟

十五末

叔四

善見毗婆沙律卷第十四

椰子上羊遮反誘誅下思律反溉灌上古愛音既下音貫長衣  
上音簪縫下音達反迦繫下二同鞞知反迦陀上音達反迦陀上音達反一捲下巨反刺緣上七亦反裨音卑浣二同反

匿尼力反陪壤芳武反一族族日曝下音反自鑽火上子音反革屣下所想

故律本中說若比丘失三衣得受上下衣餘  
一衣餘處乞若失二衣得受一衣若失一衣  
不得受若比丘尼失五衣得受二衣若失四  
衣得受一衣若失三衣不得受若親友若自  
恣請檀越若自己物隨意受此戒具六事非  
想得脫此是制戒身業口業具三受上下衣

細緻下直利反中路中上去裸形上玄瓦反又郎果反

平江路礎处聖寺比丘清宇伏觀本寺刊雕大藏經板發心捨

施中鈔三定助刊經文集于功德上酬

佛祖深恩下報生成重德乞保袈裟堅固福壽增崇普

爲有情同圓種智者大德十年九月日意願

善見毗婆沙律卷第十五

叔五

蕭齊外國沙門僧伽跋陀羅譯

余時佛住舍衛國祇樹給孤獨園精舍多將  
衣者檀越聞比丘失衣人人與衣自恣請者  
檀越語比丘言若有所須隨意取是名自恣  
請上下衣者安陀會鬱多羅僧受僧伽梨是

乙

勝之